



Imagine what you can learn!

Achengicheng Famini me Chóón Túmwúnú en chóón sukkun:

Nón ach kei sukkun nón Vancouver Public Schools, iteiten ráán kich mei achocho ne anganga an epwe watte manaúen súfón nefinen emén me emén. Kich mei pwan achocho ngeni ach sipwe etiwetiweoch me túmwúnúéochú chóón nón ach kei sukkun an epwe pénúetá ar sukkun me káeó. Ach áneán pwún *meinisín* néúch semirit me ar famini repwe sinei pwe kich mei aúcheanir.

Néúch ei taropwe epwe atapwa ewe ewin taropwe a fen tou fan iten ei osukosuken *citizenship status* (*Woran noumw taropwe ómw kopwe tongeni nómw Merika*) mei terúfetán meren aramasen nón neniach. Sia mochen atoura ekkóch pwúngún póróus pwe sipwe sopwenó ne anisi me túmwúnú chóón nón ach kei sukkun.

- **Sukkunen Mwuú ese kamé:** Meinisín semirit mei wor ar pwúng ar repwe fiti ekkei sukkunen Mwuú seni K-12 nge resapw pwan kamé. Ekkei sukkun rese tongeni kapas eis ngeni chóón sukkun me famini iká pwe mei wor néúr taropwe ar repwe nómw Merika. Esapw pwan wiisen ekkei sukkun ar repwe oturu Famini me chóón sukkun an ese wor néúr taropwen mwuumwuutá ar repwe tongon nón fénúen Merika.
- **An Chóón Sukkun pwúng an epwe mwónómwónonó póróuser me pwúngún énnúk:** Ewe énnúk a iteni, Family Educational Rights and Privacy Act, e wisen túmwúnú an chóón sukkun rekort nón sukkun. Ekkei offesin sukkun rese tongeni wau póróusen chóón sukkun ngeni ekkóch. Chóón sukkun rese tongeni ar repwe chosa ren póróuser me póróusen iner me semer nge ese wor met re ani tipis. Iká pwe e wor ponis e etto nón ekkei sukkun, ir repwe pwárau néúr ID me afata popun me wewen ar tori ei imwen sukkun. Nupwen epwe fiis ei sókkun, ewe principal epwe kékkéri an ekkei sukkun ewe offesin énnúk ren met epwe féri.
- **Kéúkkún met en Department of Homeland Security Enforcement mei tongeni féri:** Tichikin póróusan si angei seni DHS me Pútáin Education ina epwe nómw wón an VPS en *website*— <http://vansd.org/limitations-on-dhs-immigration-enforcement-action-at-sensitive-locations/>.

#### Ifa ussun ach sipwe ánisuk

Sense, Counselor, Principal me chóón angangen ei sukkun ir mei tongeni ánisi chóón sukkun me famini ren ar kei osukosuk. Iká pwe noumw en chóón sukkun a wate ngeni an mefi nóninen me osukosuk, kose mochen esine ngeni néúr Principal. Mei wor néúch chóón angang ir mei nikitú nón ar tongeni ánisi néúch kewe chóón sukkun me ar famini. Ach ánean pwún néúch kewe chóón sukkun meinisín resapw mefi núokus atun ra etto sukkun nge repwe mefi pwe ir mei túmwún me nón sukkun.

#### Met kich mei aúcheani

Chóón angangen ekkei sukkun nón Vancouver Public Schools ra útá fengen meinisín nón ar péchékún me tongeni ar repwe osukuna semiriten me sárafén nón neniach kei. Kich mei núkú pwe mei wor an semirit pwúng ar repwe tufichin sukkun nge resapw pwan méni. Kich mei osukun me káeó fengen, pwún seni sukkun mettóch meinisín mei tufich.

Seni,

Steven Webb,  
Superintendent VPS

#### Vancouver Public Schools

2901 Falk Road • Vancouver, WA 98661

PO Box 8937 • Vancouver, WA 98668-8937

Phone: 360-313-1000 • Fax: 360-313-1001 • [www.vansd.org](http://www.vansd.org)